



Broj : 10/E-11-²⁸⁷⁰24
Sarajevo: ¹⁵04-2024 godine

Na osnovu člana 10b. i člana 18. stav (2) Zakona o javnim nabavkama („Službeni glasnik BiH“, broj 39/14 i 59/22) – u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), a u skladu sa zahtjevom Kabinet općinskog načelnika – Odsjeka za informatiku od 08.04.2024. godine, Opštinski načelnik d o n o s i :

O D L U K U

o izuzeću od primjene Zakona o javnim nabavkama

Član 1.

Od primjene Zakona o javnim nabavkama izuzima se nabavka usluga zakupa domene „CENTAR.BA“ na period od jedne godine.

Član 2.

Procijenjena vrijednost iz nabavku usluga iz člana (1) ove odluke iznosi 25,64 KM, a sredstva su planirana u Budžetu Općine Centar Sarajevo za 2024.godinu, na budžetskom kontu: 613312. JRJN: 72417000-6 – Nazivi internetskih domena.

Član 3.

Ova Odluka odluka stupa na snagu danom donošenja, a primjenjuje se za period od 12.05.2024. do 12.05.2025.godine, i biće objavljena na službenoj stranici Općine Centar Sarajevo.

O b r a z l o ž e n j e

Na osnovu zahtjeva Kabineta općinskog načelnika – Odsjeka za informatiku od 08.04.2024. godine za nabavku usluga zakupa domene „CENTAR.BA“ na period od jedne godine, Kabinet općinskog načelnika – Odsjek za javne nabavke predlaže odluku o izuzeću.

Ukupna vrijednost predmetnih usluga za jednu godinu iznosi 25,64 KM bez PDV-a, odnosno 30,00 KM sa PDV-om.

Predmetne usluge će se obezbijediti od Univerziteta u Sarajevu – Univerzitetski tele-informatički centar UTIC.

Naime, članom 18. stav (1) Zakona o javnim nabavkama, propisano je da ugovorni organ pokreće postupak javne nabavke donošenjem odluke o pokretanju postupka javne nabavke u pisanoj formi, dok je stavom (2) istog člana propisano da u slučaju izuzeća od primjene iz člana 10. ovog zakona ili za dodjelu ugovora o nabavci usluga iz Aneksa II, ugovorni organ dužan je donijeti odluku koja, osim zakonske osnove za izuzeće od primjene ovog zakona, sadrži osnovne elemente iz stava (1) tačka b), c) i d) ovog člana.

Članom 10b. Zakona propisana su izuzeća od primjene odredbi ovog zakona, gdje je definisano: „Ovaj zakon ne primjenjuje se na ugovor o javnoj nabavci čija je glavna svrha omogućiti ugovornom organu pružanje ili iskorištavanje javne komunikacijske mreže ili pružanje javnosti jedne ili više elektronskih komunikacijskih usluga, kako su definirane u posebnom zakonu kojim se uređuje oblast elektronskih komunikacija.“

Predmet ove nabavke su usluge koje se mogu obezbijediti jedino od Univerzitetski tele-informatički centar UTIC, odnosno da državni top level domen Bosne i Hercegovine ima zvaničnu oznaku .ba. Ova oznaka dodijeljena je Bosni i Hercegovini 1996. godine, od strane IANA-e (kasnije ICANN), a Vlada BiH ju je prihvatila i iste godine dodijelila UTIC-u administiriranje državnim top level domenom.

O administraciji, organizaciji i tehničkoj pouzdanosti .ba domena i poddomena na koje je .ba domen podijeljen brine se Univerzitetski tele-informatički centar UTIC, čime je utvrđeno da su ispunjeni uslovi, iz člana 18. stav (1) i (2) a u vezi sa članom 10b. Zakona kojim su propisana izuzeća od primjene odredbi ovog zakona, te je utvrđeno da su ispunjene pretpostavke za donošenje predmetne odluke.


Period primjene pružanja usluga je od 12.05.2024. do 12.05.2025. godine. Za praćenje i realizaciju svih navedenih uslova zadužen je Kabinet općinskog načelnika – Odsjek za informatiku, te će se za izvršene usluge dostavljati račun o utrošenim sredstvima Kabinetu općinskog načelnika – Odsjeku za javne nabavke u zakonskim rokovima radi prijave u sistem „e-Nabavke“.

U skladu sa naprijed navedenim ispunjeni su uslovi za izuzeće od primjene Zakona o javnim nabavkama ("Službeni glasnik BiH", broj 39/14 i 59/22) u skladu sa članom 10b.

Analizirajući predmetni zahtjev, utvrđeno je da su ispunjene pretpostavke za realizaciju navedenih usluga, odnosno da su finansijska sredstva za ove namjene obezbijedena u Budžetu Općine Centar za 2024. godinu, na budžetskom kontu: 613312.

Shodno zakonu i općim aktima Općine, Opštinskom načelniku dostavlja se prijedlog Odluke o izuzeću od primjene Zakona o javnim nabavkama.

Cijeneći prethodno navedeno donesena je Odluka kao u dispozitivu.



Dostaviti:

1. Kabinetu općinskog načelnika - Odsjeku za informatiku,
2. Kabinetu općinskog načelnika - Odsjeku za javne nabavke,
3. Službi za finansije,
4. Evidenciji